

PREMIO SPECIALE «FRANCO MARONGIU» - Lions Club Ozieri

M'ASSINZAS SA 'ESTE

M'assinzas sa 'este
de sa luna caritunda
e sos rajos tessende
chin cristallo a runda
prumissas de afranzos
e fide in dies novas

Ca naschit s'amore
in avrèschitas de mare
ma lu pesat s'andera
de sa jana arva
picande a gropera
s'ordinzu 'e sa notte

M'assinzas s'arvòre
de sos gùtuos de monte
e su tempus chilliande
sas paraulas de ponte
supra 'e un' istatea
chi pesatas non sinnedat

Si mi das unu vasu
de proinca sitita
ja gurrìt s'armonia
de ànimas froritas
in sos ocros chi contant
un'àteru capitanni

Maria Teresa Rosu | OROSEI